

館陶縣志卷之十一

雜志 遺蹟 軼聞 附錄

雜志者無體例可合亦無義類可併或其事近微瑣而不無可傳或其事涉俶詭而可為警戒又或理所必無而事所或有若盡削其迹則不免遺憾此古者史氏流別八曰雜記如祖臺志怪干寶搜神劉義慶幽明劉敬叔異苑皆謂之雜記即近世各國哲學家亦有研究靈魂之說及神秘說者蓋自古幽明殊途陰陽一理聖道彰善癉惡神道福善禍淫功罪之因皆由心造殃慶之報各以類致事有奇異而理不外真常說近神秘而肯一歸中庸故無隱不顯無奇不正未可以孔子之不語怪神而

館陶縣志

雜志

七十一

遂於往迹異事盡置而不錄也附雜志

一遺蹟

關於遺蹟項下分坊表塋墓古樹三種次錄於左

(1)坊表

(明)

繡衣坊 為御史陳占建

攀桂坊 為舉人高安建

經魁坊 為舉人劉衡建

恩榮坊 為進士郭良建

世科坊 為舉人趙資建

步蟾坊

為舉人吳譽建

登雲坊

為舉人楊源建

擢英坊

為舉人王傑建

雲梯坊

為舉人靳亮建

科第坊

為舉人汪箴建

經元坊

為舉人王江建

恩榮坊

為進士馬懋建

經元坊

為舉人樊江建

世科坊

為舉人楊文建

恩榮坊

為進士耿明建

館陶縣志

雜志 遺蹟

七十二

聲震青霄坊為舉人武雷建

拔秀坊

為舉人王坦建

陶山彩鳳坊為舉人武德智建

月殿秋香坊為舉人劉之翰建

恩榮坊

為進士楊師震建

黃堂弼教坊為舉人米世功建

憲伯坊

為僉事武建邦建

奕世恩先坊為

贈文林郎知縣武雲建

馳恩坊

為勅贈主事楊傑建

鴻臚坊

為序班張忠建

貞節坊 成化間 爲郭維貞之妻侯氏建

節孝坊 天啓三年 爲劉成器之妻賈氏建 坊在城內年久傾側民國二十二年裔孫劉蘊峯等重修

(清)

康熙九年董固村王邦真母杜氏年一百一十三歲精健異常

知縣鄭先民以車迎至內堂問勞之是歲終月無病而終欲爲

建坊未果匾其堂曰歲星人瑞 以上舊志

貞節坊 乾隆三十九年 爲王建成之妻劉氏建

節孝坊 在南馬固同治十年 爲王培利之妻殷氏建

節孝坊 在三區薛店光緒十五年 爲李本剛之妻楊氏建

松柏節 坊 在北么莊前街光緒二十八年 爲么汝敏之妻張氏建

館陶縣志

雜志 遺蹟

七十三

節孝坊 在南館陶西街光緒三十一年 爲王培澤之妻閻氏建

(民國)

慈孝坊 在南館陶民國十年 爲焦振有之妻王氏建

坤元坊 在東鴨窩村民國十四年 爲劉傑之妻王氏建

雙節坊 在三區影莊民國十四年 爲孫安邦之妻張氏孫振東之妻武氏建

崇德坊 在南館陶鎮民國十四年 爲壯威上將軍王占元建 以上探訪冊

(2) 瑩墓

霍氏瑩 在城東北吳寨村北舊黃河西岸明洪武二年立積土

如山圍以松柏面積五十餘畝登頂遙望恍見舊黃河澎湃奔

流也

汪氏塋 在城東北楊莊村西明永樂年間立寬廣四十餘畝松栢數十株大皆合抱不交蒼翠森嚴百鳥翔集亦佳境也

李氏塋 明永樂年間立在城東北彭祖店南舊黃河東岸四圍窪下凸起於中歷年不為風雨所損增植松栢楊柳於上寬廣約十餘畝

(3) 古樹

辛集村正中觀音堂左側有異槐夏季放花每朵五色相傳植自前漢宋太祖過此正值萬蕊燦爛曰此必得五沃之宜因徘徊樹下不忍去今老槐已枯旁生小槐一株花仍五色人名其村為五花槐辛集

館陶縣志

雜志 遺蹟 軼聞 七十四

薛店觀音堂側有栢樹一株唐時所植幹老枝茂其狀甚古遠望之似駱駝似狀榻行人過此無不稱賞

南館陶街中關帝廟右側有古槐一株老幹橫出形似虬龍每當夏秋枝葉猶茂相傳唐朝所植不能考其年月矣

南彥寺村東首崇興寺前有唐槐一株三人不能合抱枝幹半枯半茂蔭廣畝餘臨路側行人多息肩其下

以上採訪冊

二 軼聞

唐顯慶中館陶周主簿奉使臨渝將佐二人從往周錢帛稍多二人乃以囊盛土壓殺之盡盜錢帛而去至歲暮其妻夢周具陳被殺之狀及所盜物藏匿之處妻乃訴之官官司案辦具得實

狀錢帛並獲二人皆生死

舊志

唐開元中李光遠爲館陶令時大旱光遠爲旱書告災書就暴卒後縣申旱狀州司馬不從百姓胥怨皆曰長官不死寧有是耶其夜光遠忽乘白馬至謂百姓曰我雖死旱災不慮無告遂詣司馬宅司馬大懼使人致謝光遠責云旱是百姓事何以生死爲宜速成之不然當爲厲矣言訖不見司馬遵其書而成之

通志

濟甯邵士梅字嶧暉清順治辛卯舉人登己亥進士自記前生爲棲霞人姓高名東海又其妻某氏死時自言當三世爲夫婦再世當生館陶董家所居濱河河曲第三家君異時官罷後獨寓蕭寺繙佛經時訪我於此後謁選得登州府教授一日檄署棲

館陶縣志

雜志 軼聞

七十五

霞縣教諭暇日訪東海故居已不存求得其孫某爲置田宅已而遷吳江知縣謝病歸殊無聊賴有同年知館陶縣因訪之館於蕭寺寺有藏經一部寂寥中取閱之忽憶妻語隨沿河覓之果得董姓者於河曲第三家家有女未字邵告以故且求縣宰縱吏遂娶焉從十餘年董病且死與邵訣曰此去當生襄陽王氏所居濱江門前有二柳樹君幾年後訪我於此與君當再合生二子邵記其言康熙己未在京師時屢爲余及同年傳侍御

彤臣屢潘吏部陳伏颺言言之

見王漁洋池北偶談

孫景溪先生爾周令吳橋時幕客葉某一夕方飲酒偃仆於地歷一二時而蘇次日閉戶書黃紙疏赴城隍廟拜焚莫喻其故越六

日又偃仆如前良久復起則請遷居於署外自言八年前在山東館陶幕有士人告惡少調其婦本擬請主人專懲惡少不必婦對質而同事謝某欲窺婦恣色愆惡傳訊婦投環死惡少遂抵法今惡少控於冥府謂婦不死則渠無死法而婦死由內幕之傳訊館陶城隍神移牒來拘昨具疏申辯謂婦本應對質且造意者爲謝某頃復移牒謂傳訊之意在窺其色非理其冤念雖起於謝筆實操於葉謝已攝至葉不容寬余必不免矣越夕

而殞

見汪輝祖
佐治藥言

三附錄

武訓小學事實的經過

館陶縣志

雜志 附錄

七十六

艾寨武訓小學舊址原設第三區楊二莊名爲育英義學嗣因之人經理武公又歿於臨清義學幾廢而居民因租地不均又易起爭端邑舉人汪蘭坡爲息爭起見遂呈准將該學田入官於清宣統間改爲初等小學堂民國革新後該學旋興旋替迨十四年艾寨張耀宗爲教育會長擬請於本區添設第三高小一所當經教育局長郝介眉商准知事管祖式卽將武訓小學遵章擴充以原有基地作爲常年基金不足之處由縣款補助詳准在案並委區長鄭顯和幫同張耀宗籌謀進行奈因楊二莊地址狹隘另籌建築集款非易適艾寨張氏家祠重修落成張耀宗乃與族侄不綱召集族衆公議決定將家祠一所除正堂外所有房舍均借歸五

訓小學以便開辦十五年延張善守爲校長招生授課但祠內僅足容初高兩班次年復經李知事秉超於縣款內撥給臨時費四百元乃添置西院一所十七年建築校舍復由該村捐助廟產價洋四百元並將娘娘關帝兩廟瓦房兩座拆作學舍二十二年冬又經邀准將課程一股歸武訓小學承包年約可分紅利四百元作爲小學臨時費二十三年春又於西院西添置宅基一段是年冬復由縣黨部常委張丕著協同校長張善守赴濟晉謁各當道並由本縣各機關募獲洋約千餘元乃於該村西街添購閑宅一所計七畝二分餘此後逐漸擴充益不難長足進步矣

陶鎮小學事實的經過

館陶縣志

雜誌 附錄

七十七

陶鎮完全小學校舍宏敞生徒衆多初時原由義學改爲館陶縣第二高等小學惟因經費支絀當經王占元將軍捐助洋三千元王繼曾捐助洋一千五百元作該校建修費校中設備漸就完全

徐村小學事實的經過

徐村完全小學成於民國二十三年修築學舍添購地基在在需款原有基金不足經該村善人鄭鳳齡捐助相鄰學地三畝餘大楊樹數株共值洋五百元歸爲該校所有庀材鳩工學校於以成立

第二區各鎮莊圍寨先後修築之概況

潘莊鎮圍寨於清咸豐十年因防禦教匪開始修築道光緒二十

四年土匪蠢動加工重修

王集團寨瀕衛河東岸於清同治二年因防禦教匪興工修築高一丈五尺留東西南北四門至光緒二十一年因連年被水又將圍牆培厚二十六年防義和拳匪又將圍牆增高環築小牆高四尺可隱身外擊深闕東南隅一門現門牆均完整

其他如該區之趙莊東路寨魏沿村吳沿村汪隄大章堡白家鋪燕杏園吳寨許張寨梁齊寨宋齊寨小莊陳沿村張梭莊西崔莊油坊等莊各圍寨皆因土匪猖獗於清光緒宣統間先後修築均尙完整

第三區各鎮莊圍寨先後修築之概況

館陶縣志

雜志 附錄

七十八

李官莊鎮圍寨因防禦教匪於清同治七年興工修築嗣亦視該圍牆卑薄隨時補修尙稱完整

艾寨村圍寨於清同治初年因黑旗教匪宋景詩等之亂興工修築大牆高一丈五尺下寬二丈上寬一丈四尺女牆五尺牆外濠寬一丈八尺深一丈四尺二濠寬二丈深三尺周圍七百丈嗣日久漸圯迨民國初年因防匪亂從新修補增築門樓至十七年復於圍牆外編製鐵絲網牆一週益臻完固

薛店圍寨因教匪猖獗於清同治七年興築迨民國十二年土匪滋擾因之重修

第四區各鎮莊圍寨先後築之概況

張官寨鎮圍寨於清同治間興築後圯民國八年因防土匪重修高一丈八尺

時玉村圍寨於民國八年因防匪興築高一丈六尺

蘭寨村圍寨於民國八年因防匪擾興築周圍三百六十丈基厚一丈二尺頂寬七尺牆高一丈三尺上有小牆高五尺現極完整

第七區

南館陶鎮曩禦教匪之亂舊有圍寨後因承平漸圯民國十九年因鑒於仇匪之擾於二十年循基重修版築極稱堅固

以上採訪

